

Sarajevo, 22.03.2017.

INICIJATIVA

POSLANIK: MARIO VUKASOVIĆ

Upućena : Vlada KS

Obraćam se Vladi kantona Sarajevo sa jako bitnim pitanjem koje se od početka našeg mandata gura pod tepih.

Mi smo u ovoj skupštini do sada izglasali na desetine dobrih zaključaka i odluka koje su poslije u potpunosti ignorisane od strane Vlade.

Očito je da Vlada ne poštuje skupštinu, iako premijer stalno voli ponavljati da je skupština poslodavac vlasti, da vlada nije nadređena skupštini.

Kada bi u jednoj uređenoj državi pitali **šta se desi** ako se ne provode odluke ustavnog suda ili parlamenta dobili bi odgovor „kako mislite ne provode?“. Eh pa ovdje se ne provode i ovdje se ne desi ništa kada se ne provode. Ovdje je moguće da Vlada jednostavno ignoriše odluke parlamenta i da zato ne snosi nikakve sankcije.

Ja će navesti samo jedan primjer.

U decembru prošle godine sam podnio inicijativu da se smanji školarina na tri fakulteta medicinske grupacije i vi ste je ignorisali.

Nakon toga je skupština jednoglasno bila za smanjenje školarine, i to je bilo obavezujuće ali je vlada opet ignorisala skupštinu.

Studenti se pitaju **šta se dešava?** Kako je moguće da Vlada ne provodi odluku koja je ovdje izglasana.

Nemojte da od skupštine pravite predstavu za javnost i da zastupnike okupljate da dižu ruke za ono što vama odgovara.

S obzirom da ne postoji način da natjeramo Vladu da poštuje poslovnik i provodi odluke skupštine podnosimo zahtjev za interpelaciju o radu i djelovanju Vlade KS.

Tražim od Vlade da sastavi izvještaj o provedbi svih skupštinskih zaključaka od početka ovog mandata i da ga stavi na dnevni red iduće sjednice.

Kolegij skupštine bih zamolio da potvrdi opravdanost ove inicijative.

Hvala

